

占察相法儀軌

◎禮拜

（供水→問訊→上香→問訊→禮佛三拜）

至心敬禮，十方一切諸佛！（一拜）（願令十方一切眾生速疾皆得親近供養，諮受正法。）
至心敬禮，十方一切法藏！（一拜）（願令十方一切眾生速疾皆得受持讀誦，如法修行，及為他說。）
至心敬禮，十方一切賢聖！（一拜）（願令十方一切眾生速疾皆得親近供養，發菩提心，至不退轉。）
至心敬禮，地藏菩薩摩訶薩！（三稱三拜）（願令十方一切眾生速得除滅惡業重罪，離諸障礙，資生眾具，悉皆充足。）

◎供養

嚴持香華，如法供養。
願此香華雲，徧滿十方界，供養一切佛。
尊法諸賢聖，無邊佛土中，受用作佛事。

一切佛法僧寶，體常徧滿，無所不在。
願令以此香華，等同性質，普熏一切諸佛刹土，施作佛事。
十方一切供具，無時不有，我今當以十方所有一切種種香華瓔珞、
幢幡寶蓋、諸珍妙飾、種種音樂、燈明燭火、飲食衣服、
臥具湯藥，乃至盡十方所有一切種種莊嚴供養之具。
憶想遙擬，普共眾生奉獻供養。

一切世界中有脩供養者，我今隨喜。
若未脩供養者，願得開導令脩供養。
又願我身，速能徧至一切刹土，於一一佛法僧所，
各以一切種種莊嚴供養之具，共一切眾生等持奉獻，
供養一切諸佛法身色身、舍利、形像、浮圖、廟塔，一切佛事，
供養一切所有法藏及說法處，
供養一切賢聖僧眾。
願共一切眾生，脩行如是供養已，漸得成就六波羅蜜、四無量心。
深知一切法本來寂靜、無生無滅、一味平等，離念清淨，畢竟圓滿。
供養已，一切恭敬。（一拜）

◎稱名

一心仰告地藏菩薩摩訶薩：
弟子某甲，現是生死凡夫，不知三世業報因緣，多懷疑惑，
今以某某事，敬依菩薩所示三種輪相，如法占察，至心仰扣地藏慈尊，
願以大悲力加被拯接，除我疑障！（一拜）

普為法界一切眾生，悉願斷除三障，歸命懺悔。（跪拜）

（長跪合掌，以至誠恭敬心一心稱念：）南無地藏菩薩摩訶薩！（一千遍以上）

◎祈請

地藏菩薩摩訶薩！大慈大悲！
惟願護念我，及一切眾生，速除諸障，增長淨信，令今所觀，稱實相應！

◎擲輪

雙手捧著占察輪，下面準備好乾淨的物件，以至誠懇切之心，側拋一邊。。。